

ՀԱՅԱՍՏԱՆԻ ԿՈՄՈՒՆԻՍՏԱԿԱՆ ԿՈՒՍԱԿՑՈՒԹՅԱՆ XXVIII ՀԱՄԱԳՈՒՄԱՐԸ

ԳՐԻԳՈՐ ԱՅՎԱԶՅԱՆ

Վեց ու կես տասնամյակ է, ինչ կազմավորվել և գործում է Հայաստանի կոմունիստական կուսակցությունը, որն անցել է փառավոր ուղի, դարձել Սովետական Միության կոմունիստական կուսակցության մարտական ջոկատներից մեկը: Հայաստանի կոմկուսի ղեկավարությամբ հանրապետության աշխատավորները նվաճել են շատ բարձունքներ, հասել տպավորիչ հաջողությունների: Նշանավոր իրադարձության՝ ՍՄԿԿ XXVII համագումարի նախաշեմին, 1986 թ. հունվարի 24—25-ը տեղի ունեցավ Հայաստանի կոմունիստական կուսակցության հերթական՝ XXVIII համագումարը, որին մասնակցում էին 940 պատգամավորներ: Նրանց 64%-ը պատգամավոր էր ընտրվել առաջին անգամ: Համագումարում ներկայացված էին հանրապետության բոլոր շրջանային և քաղաքային կուսակցական կազմակերպությունները: Մասնակցում էին նաև վերջերս ստեղծված՝ Բաղրամյանի, Երևանի Մաշտոցի, Լենինականի Մոսկովյան և Շիրակի շրջանների կուսակցական կազմակերպությունների ներկայացուցիչները: Պատգամավորների թվում էին բանվորներ, կոլտնտեսականներ, գիտության, առողջապահության, ժողովրդական կրթության, սովետական զինված ուժերի ներկայացուցիչներ, կուսակցական, սովետական, արհմիութենական և կոմերիտական աշխատողներ: Հատկանշական է, որ պատգամավորների գերակշռող մասը՝ գրեթե 53%-ը անմիջականորեն նյութական արտադրության ոլորտում զբաղված կոմունիստներ էին¹: Պատգամավորների կազմն արտացոլում է Հայաստանի կուսակցական կազմակերպության ինտերնացիոնալ բնույթը, մարմնավորում մեր երկրի ժողովուրդների բարեկամությունը: Պատգամավորների թվում կային Հայաստանում բնակվող շատ ազգերի ու ազգությունների ներկայացուցիչներ՝ հայեր, ռուսներ, ուկրաինացիներ, բելոռուսներ, ադրբեջանցիներ, վրացիներ, քրդեր, ասորիներ և ուրիշներ:

Համագումարը լսեց և քննարկեց ՀԿԿ Կենտկոմի առաջին քարտուղար Կ. Ս. Դեմիրճյանի զեկուցումը՝ ՀԿԿ Կենտկոմի հաշվետվությունը Հայաստանի կոմունիստական կուսակցության XXVIII համագումարին և վերստուգիչ հանձնաժողովի զեկուցումը: ՍՍՀՄ տնտեսական ու սոցիալական զարգացման 1986—1990 թթ. և մինչև 2000 թվականն ընկած ժամանակաշրջանի հիմնական ուղղությունների նախագծի մասին զեկուցումով հանդես եկավ Հայկական ՍՍՀ Մինիստրների խորհրդի նախագահ Ֆ. Տ. Սարգսյանը: Համագումարն ընդունեց բանաձևեր ՍՄԿԿ ծրագրի նոր խմբագրության և ՍՄԿԿ կանոնադրության փոփոխությունների նախագծերի առթիվ, ընտրեց ՀԿԿ ղեկավար մարմիններ և ՍՄԿԿ XXVII համագումարի 50 պատգամավորներ: Համագումարը հավանություն տվեց Հայաստանի կոմկուսի Կենտկոմի քաղաքական ու պրակտիկ գործունեությանը: Համագումարը նշանակալից իրադարձություն էր հանրապետության կոմունիստների, բոլոր աշխատավորների կյանքում: Այն սկզբունքային դիրքերից զնահատեց ՀԿԿ Կենտկոմի գործունեությունը կազմակերպական, գաղափարական, քաղաքական-դաստիարակչական, տնտեսական բնագավառներում, կոնկրետացրեց կուսակցական կազմակերպության անելիքներն առաջիկա հնգամյակում: Ճշինք տարի է անցել Հայաստանի կոմկուսի XXVII համագումարից, — նշեց Կ. Ս. Դեմիրճյանը, — դրանք լարված աշխատանքի, միասնական սովետական ընտանիքում մեր հանրապետության հե-

¹ «Սովետական Հայաստան», 26. I. 1986:

տագա համակողմանի առաջընթացի տարիներ էին: Մենք շատ բան սովորեցինք, հարստացանք փորձով: Մենք իրավամբ հպարտանում ենք մեր նվաճումներով, պարզորոշ տեսնում թերություններն ու վրիպումները: Մենք գիտենք, որ մեզ սպասում են մեծ գործեր՝ նորարական, մասշտաբային, դժվարին գործեր: Մենք գիտենք, որ դրանց իրագործումը յուրաքանչյուրից կպահանջի մտքի ծավալուն աշխատանք, լարված գործունեություն, նպատակասլացություն, գիտակցականություն և մեծ կազմակերպվածություն²:

Հայաստանի կոմկուսի XXVIII համագումարը մեծ ուշադրություն նվիրեց հանրապետության տնտեսական ու սոցիալական զարգացման հարցերին: Նախամիտիմիցին 11-րդ հնգամյակի արդյունքները: Կուսակցական կազմակերպությունների, կոմունիստների, բոլոր աշխատավորների աշխատանքի գլխավոր արդյունքը հնգամյա ծրագրի իրականացումն է: Հանրապետությունը նոր հաջողությունների հասավ տնտեսական ու կուլտուրական շինարարության մեջ, մեծացավ նրա ավանդը ընդհանուր միավորների խնդիրների լուծման գործում: Ահա հանրապետության աշխատավորների նվաճումները բնութագրող մի քանի թվեր ու փաստեր: Հնգամյակում արդյունաբերության արտադրանքի արտադրությունն ավելացել է 33,2%-ով՝ պլանով նախատեսված 30-ի դիմաց: Արդյունաբերության մեջ աշխատանքի արտադրողականությունը հինգ տարում բարձրացել է 16,4%-ով՝ նախատեսված 16,1-ի փոխարեն: Բնորոշն այն է, որ արդյունաբերական արտադրության բացարձակ հավելածի 96%-ը ձեռք է բերվել գործող ձեռնարկությունների ընդլայնման, տեխնիկական վերազինման և տեղակայված կարողությունների օգտագործման արդյունավետության բարձրացման հաշվին: Հնգամյա պլանից դուրս արտադրվել է 670 միլիոն ռուբլու արդյունաբերական արտադրանք³: Ավելի արագ են աճել այն ճյուղերը, որոնք որոշում են գիտատեխնիկական առաջադիմությունը՝ ռադիոտեխնիկական, էլեկտրոնային, սարքաշինական, էլեկտրատեխնիկական արդյունաբերությունը, ճշգրիտ հաստոցաշինությունը: Առաջանցիկ տեմպերով է քայլել նաև «Բ» խմբի արդյունաբերությունը:

ՀԿԿ XXVII համագումարից հետո Կենտկոմը, կուսակցական կոմիտեները, սկզբնական կուսկազմակերպությունները սեեռուն ուշադրություն են նվիրել կուսակցության ագրարային քաղաքականության, պարենային ծրագրի իրագործմանը: Մի շարք արմատական հարցերի գործնական լուծման շնորհիվ գյուղատնտեսական արտադրությունը բարձրացել է որակապես նոր մակարդակի: Այն դարձել է ավելի բարձրարտադրողական, ֆոնդահագեցած և էներգահագեցած ճյուղ: Անցած հնգամյակի տարիներին ագրոարդյունաբերական համալիրի հիմնական ֆոնդերը մեծացել են 28%-ով: Մեծ ծավալի աշխատանքներ են կատարվել ջրատնտեսական շինարարության և հողերի մեկտրացման ուղղությամբ: Հանրապետության կոլտնտեսություններն ու սովխոզներն ստացել են ավելի շատ հանքային պարարտանյութեր, գյուղատնտեսական մեքենաներ ու տեխնիկա: Մեծ ուշադրություն է նվիրվել գյուղի սոցիալական զարգացմանը, առանձնապես լեռնային ու նախալեռնային շրջաններում: Պետական միջոցների հաշվին կառուցվել են մեծ թվով բնակելի տներ, ակումբներ ու մշակույթի պալատներ, դպրոցներ, մանկական նախադպրոցական հիմնարկներ, ջրատարներ, գազամուղներ: Այս ամենը, ինչ խոսք, բարենպաստ պայմաններ են ստեղծել գյուղական բնակչության թվի ավելացման, նրա արտահոսքի պակասեցման, գյուղում կադրերի ամրացման համար: Գյուղատնտեսության համախառն արտադրանքի միջին տարեկան ծավալը կազմել է 13,8%, հնգամյակի համար նախատեսված 10,9-ի դիմաց⁴: Ամբողջությամբ վերցրած հանրապետությունում կատարվել ու գերակատարվել են հիմնական

2 Նույն տեղում, 25. I. 1986:

3 Նույն տեղում:

4 Նույն տեղում:

դյուղատնտեսական մթերքների արտադրության ու մթերումների հնգամյա պլանները:

Նոր առաջընթաց քայլ է կատարել կապիտալ շինարարությունը: 11-րդ հնգամյակի տարիներին Սովետական Հայաստանում կառուցվեցին ու շահագործման հանձնվեցին բազմաթիվ ձեռնարկություններ, խոշոր արտադրամասեր, նոր կարողություններ, բնակելի տներ, դպրոցներ, նախադպրոցական հիմնարկներ, հիվանդանոցներ, պոլիկլինիկաներ: Հիշենք թեկուզ Երևանի մետրոպոլիտենի նոր կայարանները, «Զվարթնոց» և «Էրեբունի» օդանավակայանները, Երևանի մարդահամբգային համալիրը, Իջևան—Հրազդան երկաթուղին և այլն: Համագումարը գոհունակությամբ նշեց, որ անցած հնգամյակում հանրապետությունում իրագործվել է սոցիալական լայն ծրագիր, է՛լ ավելի է բարձրացել ժողովրդի բարեկեցությունը, բարելավվել են մեր մարդկանց կենսապայմանները: Բերենք միայն մեկ փաստ: Ֆինանսավորման բոլոր աղբյուրների հաշվին կառուցվել և շահագործման են հանձնվել 5,4 միլիոն քմ. ընդհանուր մակերեսով բնակելի տներ: Դա հնարավորություն է տվել բարելավելու ավելի քան 117 հազար ընտանիքների բնակարանային պայմանները, վերացնելու մոտ 100 հազար քմ մակերեսով բարաքներ և նկուղային կացարաններ: Ձեռք բերված այս նվաճումների համար է, որ Սովետական Հայաստանը հնգամյակի ընթացքում հինգերորդ անգամ անընդմեջ արժանացավ ՍՄԿԿ Կենտկոմի, ՍՍՀՄ Մինիստրների խորհրդի, ՀամԿԽ-ի և ՀամԿԵՄ Կենտկոմի փոխանցիկ կարմիր դրոշին:

Խոսելով հանրապետության նվաճումների մասին, պետք է նշել նաև այն մեծ աշխատքը, որ այդ գործում ունի քաղաքամայր Երևանը: Դեռևս անցյալ տարվա նոյեմբերի 20-ին երևանցիները զեկուցեցին արդյունաբերական արտադրության ընդհանուր ծավալի հնգամյա պլանի կատարման մասին: Պլանից դուրս թողարկվեց և իրացվեց համապատասխանաբար 422 և 355 միլիոն ռուբլու արտադրանք: 11-րդ հնգամյակում քաղաքում թողարկվեց 660 միլիոն ռուբլով ավելի շատ արդյունաբերական արտադրանք, քան նախորդ հնգամյակում: Համամիութենական սոցիալիստական մրցության արդյունքներով Երևանը քաղաքը 10-րդ անգամ անընդմեջ արժանացավ ՍՄԿԿ Կենտկոմի, ՍՍՀՄ Մինիստրների խորհրդի, ՀամԿԽ-ի և ՀամԿԵՄ Կենտկոմի փոխանցիկ կարմիր դրոշին: Մեծ իրադարձություն էր մայրաքաղաքի պարզևատրումը հայրենիքի բարձրագույն պարգևով՝ Լենինի շքանշանով: Ինչպես նշվեց Երևանի քաղաքային կազմակերպության XXXIX կոնֆերանսում, դա Երևանի աշխատավորների բոլոր սերունդների գործունեության բարձր գնահատականն է: Սովետական Հայաստանի մայրաքաղաքի համակողմանի զարգացման նոր փուլ է նշանավորում ՍՄԿԿ Կենտկոմի և ՍՍՀՄ Մինիստրների խորհրդի որոշումը Երևանի քաղաքային տնտեսության հետագա զարգացման միջոցառումների մասին:

Ամփոփելով հանրապետության աշխատավորների մեծ նվաճումները, ՀԿԿ XXVIII համագումարը կրկին ընդգծեց ժողովուրդների բարեկամության դերն այդ գործում: «Սովետական Հայաստանի ժողովուրդը,— համագումարում ասաց Կ. Ս. Դեմիրճյանը,— խորապես գիտակցում է, որ ինքը երբեք չէր կարողանա այդքան արագորեն և այդքան հաջողությամբ արմատական սոցիալ-տնտեսական վերափոխություններ իրականացնել, համակողմանի առաջադիմության հասնել իր հողում, չի կարող տնտեսական ու կուլտուրական շինարարության ասպարեզում նոր բարձունքներ նվաճել մեն-մենակ, առանց սովետական եղբայր ժողովուրդների և առաջին հերթին ռուս մեծ ժողովրդի վիթխարի ու բազմակողմանի օգնության... Բարեկամությունը ռուս մեծ ժողովրդի, մեր հայրենիքի բոլոր եղբայրական ժողովուրդների հետ եղել է, կա ու միշտ

Գ Նույն տեղում:

Ը «Էրեբունի» Երևան, 13. I. 1986:

կլինի սրբություն հայ ժողովրդի համար, նրա կյանքի հզոր շարժիչ ուժը, նրա հաջողությունների գրավականը»⁷:

Հայաստանի կոմունիստական կուսակցության XXVIII համագումարն ըստ արժանվույն գնահատելով ձեռք բերվածը, միաժամանակ նշեց, որ հանրապետության տնտեսական ու սոցիալական զարգացման գործում դեռևս առկա են լուրջ թերություններ, բացթողումներ, չլուծված պրոբլեմներ, որոնք պետք է հաղթահարվեն կուսակցական կազմակերպությունների հետևողական աշխատանքով: «Կենտկոմը,— նշվեց համագումարում,— քննադատաբար է գնահատում ձեռք բերված արդյունքները... Մեղ չեն կարող գոհացնել գիտատեխնիկական առաջադիմության արագացման, արտադրության ինտենսիվացման և նրա արդյունավետության բարձրացման տևալները: Դեռևս... հաստատական աշխատանք չի տարվում արտադրության կառավարման ու կազմակերպման կատարելագործման, ձեռնարկությունների վերակառուցման ու տեխնիկական վերադիման, նրանց արտադրական ապարատի նորոգման, դրա ռացիոնալ օգտագործման, տնտեսման ու ռեսուրսախնայողության ուղղությամբ: Հետագա ամրապնդման կարիք ունի պետական, արտադրական ու աշխատանքային կարգապահությունը»⁸:

ՀԿԿ XXVIII համագումարը քննարկեց և հավանություն տվեց ՍՄԿԿ XXVII համագումարին ներկայացվող ՍՍՀՄ տնտեսական ու սոցիալական զարգացման 1986—1990 թվականների և մինչև 2000 թվականն ընկած ժամանակաշրջանի հիմնական ուղղությունների մասին ՍՄԿԿ Կենտկոմի նախագրածին: Հիմնական ուղղություններում մեծ տեղ են գրավում նաև արտադրողական ուժերի տեղաբաշխման և միութենական հանրապետությունների տնտեսական ու սոցիալական զարգացման հարցերը:

Իսկ ի՞նչ բնագծեր կնվաճեն Սովետական Հայաստանի աշխատավորները նոր հնգամյակում: Նախ նշենք, որ հանրապետության տնտեսական ու սոցիալական զարգացման պլանի նախագիծը կազմելիս պլանավորող մարմինները ելել են 12-րդ հնգամյակի գլխավոր խնդրի հետևողական ու լրիվ իրականացման անհրաժեշտությունից: Դիմենք փաստերին: Նոր հնգամյակում ազգային եկամուտը կավելանա 24,6%-ով, իսկ արդյունաբերական արտադրության ծավալը՝ 25,9%-ով⁹: Հաշվի առնելով հանրային արտադրությունը զարգացման ինտենսիվ ուղու փոխադրելու անհրաժեշտությունը, արդյունաբերական արտադրանքի աճի մոտ 95%-ը կապահովվի գործող ձեռնարկությունների վերակառուցման, տեխնիկական վերազինման ու ընդլայնման հաշվին: Առաջիկա տարիներին ևս կշարունակվի գիտատեխնիկական առաջընթացը որոշող ճյուղերի առաջանցիկ զարգացման գիծը: Այսպես, մեքենաշինության արտադրանքի ծավալը կմեծանա 54,2%-ով: Դա 2,1 անգամ ավելի է, քան ամբողջ արդյունաբերությունում¹⁰, և լիովին բխում է ՍՍՀՄ տնտեսական ու սոցիալական զարգացման արագացումն ապահովելու խնդրից, որ առաջադրել է ՍՄԿԿ Կենտկոմի 1985 թ. ապրիլյան պլենումը:

Խնդիր է դրված 12-րդ հնգամյակում զգալիորեն ընդլայնել ժողովրդական սպառման առարկաների արտադրությունը, բարելավել դրանց որակը: Բավական է նշել, որ այդ ապրանքների արտադրության ծավալը կավելանա գրեթե 27%-ով¹¹: Առաջիկա տարիներին ևս կշարունակվի հանրապետության ագրոարդյունաբերական կոմպլեքսի ճյուղերի փոխկապակցված, հավասարակշռված զարգացման ապահովման ուղղությամբ կատարվող աշխատանքը: Կոմպլեքսային մեքենայացման, քիմիացման, էլեկտրիֆիկացման, հողերի մեխորայացման, ինտենսիվ տեխնոլոգիաների լայն ներդրման միջոցով, ըստ էության,

7 «Սովետական Հայաստան», 25. I. 1986:

8 Նույն տեղում:

9 Նույն տեղում, 26. I. 1986:

10 Նույն տեղում:

11 Նույն տեղում:

պետք է ավարտվի գյուղատնտեսության փոխադրումը ինդուստրիալ հիմքերի վրա: Գյուղատնտեսության համախառն արտադրանքի միջին տարեկան ծավալը, ամբողջությամբ վերցրած, կաճի 12,1%-ով¹²: Կավելանան հացահատիկի, բանջարեղենի, մսի, կաթի, ձվի արտադրությունը, կշարունակվեն հողերի մեկտրամյան աշխատանքները, կկառուցվեն մի շարք ջրամբարներ, կլուծվի Սեւանա լճի ջրի մակարդակը 6 մետրով բարձրացնելու պրոբլեմը:

Նոր հնգամյակի կարևոր առանձնահատկությունն այն է, որ հանրապետությանը հատկացվող կապիտալ ներդրումները անցած հնգամյակի համեմատություն կաճեն 55,5%-ով: Դա հնարավորություն կտա շահագործման հանձնելու մոտ 3,8 միլիոն քմ բնակելի տարածություն, մեծ թվով դպրոցներ, հիվանդանոցներ, ավարտել Երևանի մետրոպոլիտենի առաջին հերթի շինարարությունը, շահագործման հանձնել արդյունաբերական նոր օբյեկտներ, կառուցել Վարդենիս—Ջերմուկ երկաթուղին: Մինչև 1990 թ. շարք կմտնեն այնպիսի էզակի օբյեկտներ, ինչպիսիք են Երևանի քաղսովետի գործկոմի շենքը, մանկական գեղագիտական կենտրոնը, բարեկամության տունը, Ռուսական դրամատիկական թատրոնը, «Կասկադ» հասարակական-կուլտուրական հուշահամալիրը, Դավիթբաշենի կամուրջը և այլն¹³:

Հիկ XXVIII համագումարի որոշումներում և փաստաթղթերում ընդհանրացվեց գաղափարախոսական, քաղաքատիրակազմական աշխատանքի փորձը, ձևակերպվեցին այդ աշխատանքի հետագա բարելավման խնդիրները: Ինչպես նշվեց համագումարում, Հայաստանի կոմկուսի Կենտկոմը մշտապես ուղարկության կենտրոնում է պահել գաղափարախոսական աշխատանքի, դաստիարակչական պրոցեսի կոմպլեքսային կազմակերպման և դրա արդյունավետության բարձրացման հարցերը, դրանք քննարկել Կենտկոմի պլենումներում, բյուրոյի և քարտուղարության նիստերում, կուսակցական ակտիվի ժողովներում: Կատարելագործվել են քաղաքական ուսուցման և տնտեսագիտական կրթության, դասախոսական աշխատանքի մյուս ձևերը, բարելավվել է պրոպագանդիստական կադրերի որակական կազմը, ավելի բովանդակալից է դարձել աշխատավորների ինտերնացիոնալ դաստիարակությունը: Կուսակցական կազմակերպություններն ուժեղացրել են սոցիալիզմի նվաճումները պրոպագանդելու, հակառակորդի գաղափարախոսական դիվերսիաները մերկացնելու աշխատանքը: Այս ամենի հետ մեկտեղ, ինչպես մատնանշվեց համագումարում, դեռ ամեն ինչ չի արվել, որպեսզի գաղափարախոսական աշխատանքը շաղկապված լինի կյանքի, գլխավոր խնդրի՝ երկրի սոցիալ-տնտեսական զարգացումն արագացնելու հետ: Մի շարք կուսակցական կազմակերպություններում առաջվա պես շատ է խոսվում գաղափարախոսական աշխատանքի վերակառուցման անհրաժեշտության մասին, իսկ իրականում այդ վերակառուցումն ակտիվորեն չի իրագործվում, դանդաղ են վերացվում թերություններն ու վրիպումները: Դաստիարակչական աշխատանքում շարունակվում են ձևափոխությունն ու խրատամոլությունը:

Մեր օրերում օրինաչափորեն աճում է կոմունիստական կուսակցության ղեկավար դերը, բարձրանում կոմունիստների պատասխանատվությունը: Նրան պայմաններում մեծ նշանակություն են ստանում կուսակցական-կազմակերպական աշխատանքը, նրա ոճի ու մեթոդների կատարելագործումը: Ահա թե ինչու Հայաստանի կոմկուսի հերթական համաժողովը հանգամանորեն անդրադարձավ այդ հարցերին:

Կուսակցական շինարարության արմատական հարցերից մեկը կուսակցության անդամության հարցն է: Չէ՞ որ կուսակցության կազմով է մեծ մասամբ պայմանավորված նրա գործունեության հաջողությունը: Մեր հանրապետության կուսակցական կազմակերպությունները զգալի աշխատանք են կատարել կուսակցության մեջ ընդունելությունը, ընդունվողների որակական կազմը բա-

¹² Նույն տեղում:

¹³ Նույն տեղում:

րելավելու ուղղությամբ: Հաշվետու ժամանակաշրջանում Հայաստանի կուսակցական կազմակերպությունը աճել է 21899 անդամներով ու անդամության թեկնածուներով¹⁴: Համեմատության համար նշենք, որ նախորդ հնգամյակում ՀԿԿ շարքերն ընդունվել է 26865 մարդ¹⁵: Դա արդյունք է այն բանի, որ կուսակցական կազմակերպություններն ուժեղացրել են կարգավորող ազդեցությունը իրենց շարքերի աճի նկատմամբ, մեծացրել պահանջկոտությունը, խստիվ պահպանում են անհատական ընտրության սկզբունքը: Կուսակցական շարքերի աճի մյուս բնորոշ կողմն էլ այն է, որ կուսակցության մեջ հարաճուն կերպով ավելանում է բանվորների թիվը: Այսպես, ՀԿԿ XXVII համագումարից հետո կուսակցական համալրման մեջ բանվորները կազմել են 63,1%: Ընդունվածների 25%-ը ժողովրդական տնտեսության մասնագետներ են, 33,9%-ը կանայք, 74,6%-ը՝ կոմերիտականներ: Այժմ Հայաստանի կոմկուսն ունի 5866 սկզբնական կազմակերպություն, որոնք միավորում են 186637 կոմունիստներին¹⁶: Հայաստանի կոմկուսի շարքերում կան ՍՍՀՄ 45 ազգերի ու ազգությունների ներկայացուցիչներ¹⁷: Հետաքրքիր է կատարել որոշ համեմատություններ: ՀԿԿ I համագումարը տեղի է ունեցել 1922 թ.: Այն ժամանակ ՀԿԿ մեջ հաշվվում էր ընդամենը 6012 կոմունիստ¹⁸: Դա նշանակում է, որ անցած 60 տարում կոմունիստների թիվը Հայաստանում աճել է ավելի քան 31 անգամ: Մեծանում է նաև հանրապետության ամենախոշոր՝ Երևանի կուսակցական կազմակերպության անդամների թիվը: Վերջին երկու տարում քաղաքային կազմակերպությունը աճել է 4650 մարդով և ներկայումս իր շարքերում ունի 76230 կոմունիստ: Միայն Երևանում հաշվվում է 1738 սկզբնական կուսակցական կազմակերպություն¹⁹:

Հայաստանի կոմունիստների համաժողովում գործարար խոսակցությունը ընթացավ կադրային քաղաքականության մասին: Հայաստանի կոմկուսի Կենտկոմի պլենումներում երկու անգամ քննարկվել են կադրային աշխատանքի, կադրերի գործունեության, ոճի ու մեթոդների կատարելագործման հարցերը՝ կուսակցության նոր պահանջներին համապատասխան: Հետևողական աշխատանք է տարվել արտագրության և կառավարման բոլոր օղակներն քաղաքականապես հասուն, գիտակ, գործիմաց, եռանդուն բարոյական բարձր հատկանիշներով օժտված կադրերով ամրապնդելու ուղղությամբ: Կադրերի նկատմամբ հարգանքը, վստահությունը զուգակցվել է բարձր պահանջկոտության հետ: Միաժամանակ կադրային աշխատանքում դեռևս կան շատ թերություններ ու բացեր: Համագումարում կոնկրետ օրինակներ բերվեցին, որ առանձին դեպքերում կադրերն ընտրելիս թույլ են տրվել անսկզբունքայնության դրսևվորումներ, մակերեսային մոտեցում այդ կարևոր գործի նկատմամբ: Վերջերի սխալ նշանակման յուրաքանչյուր փաստ, — նշվեց համագումարում, — պետք է ստանա ամենասկզբունքային և ամենախիստ կուսակցական գնահատական... Պետք է բարձրացնել պահանջկոտությունը յուրաքանչյուրի նկատմամբ, անկախ նրա զբաղեցրած պաշտոնից... ոչ մի ներողամտություն չպետք է ցուցաբերվի նրանց նկատմամբ, ովքեր չեն արդարացնում վստահությունը, խախտում են կարգապահությունն ու կարգականոնը, թույլ են տալիս անվայել արարքներ, վնաս հասցնում մեր ընդհանուր գործին...»²⁰:

ՍՄԿԿ հաջող գործունեության գրավականներից է կուսակցական կյանքի լինիյան նորմաների և սկզբունքների հետևողական կիրառումը: ՀԿԿ XXVIII

¹⁴ Նույն տեղում, 25. I. 1986:

¹⁵ Կ. Ս. Դեմիրճյան, ՀԿԿ Կենտրոնական կոմիտեի հաշվետվությունը Հայաստանի կոմկուսի XXVII համագումարին, Երևան, 1981, էջ 122:

¹⁶ «Սովետական Հայաստան», 25. I. 1986:

¹⁷ Նույն տեղում, 13. X. 1985:

¹⁸ «Компартия Армении в цифрах и документах. 1920—1980», Ереван, 1980, с. 78.

¹⁹ «Դեմոկրատիկ Երևան», 29. XII. 1985:

²⁰ «Սովետական Հայաստան», 25. I. 1986:

համագումարն արձանագրեց, որ վերջին տարիներս ամրապնդվել և հետագա զարգացում է ստացել ներկուսակցական ղեմավարության, կոլեկտիվ ղեկավարման սկզբունքը, կատարելագործվել են կուսակցական կոմիտեների և կազմակերպությունների աշխատանքի ոճն ու մեթոդները: Ներկուսակցական ղեմավարության ծավալման դրսևորումներից մեկը կուսակցական կազմակերպությունների հաշվետու ընտրական կամպանիան է, որը տեղի ունեցավ համագումարի նախօրյակին: Բավական է նշել, որ կուսակցական ժողովներում ու կոնֆերանսներում ելույթ է ունեցել ավելի քան 60 հազար կոմունիստ²¹: Կոմունիստները, բոլոր աշխատավորները լիովին հավանություն են տալիս կուսակցության ներքին ու արտաքին քաղաքականությանը, պաշտպանում երկրի տնտեսական ու սոցիալական զարգացումն արագացնելու կուրսը: Միաժամանակ ժողովներում ու կոնֆերանսներում կոմունիստները քննադատության ու ինքնաքննադատության մթնոլորտում, գործարար կերպով քննարկել են իրենց կուլակտիվների ցավոտ հարցերը, րացահայտել թերություններն ու վրկավանները, նշել աշխատանքը բարելավելու հնարավորություններն ու ուղիները:

Դեմոկրատական ցենտրալիզմի կողմերից մեկը կոլեկտիվությունն է, որը կուսակցական ղեկավարման կարևոր սկզբունքն է: Եվ պետք է ընդգծել, որ վերջին տարիներս մեր հանրապետությունում ևս բարձրացել է ղեկավարման կոլեկտիվ մարմինների դերը, խստիվ պահպանվում է աշխատանքի կոլեկտիվության սկզբունքը: Կանոնավոր հրավիրվում են կուսակցական կոմիտեների պլենումները, բյուրոների նիստերը, անցկացվում են կուսակցական ակտիվի ժողովներ, որտեղ քննարկվում են կուսակցական շինարարության, տնտեսական ու սոցիալական զարգացման արմատական հարցեր:

Կոլեկտիվ աշխատանքի լավ օրինակ է ցուցադրում Հայաստանի կոմկուսի Կենտկոմը: XXVIII համագումարին նախորդող 5 տարում տեղի են ունեցել Հայաստանի կոմկուսի Կենտկոմի 23 պլենում, բյուրոյի 170 և քարտուղարության 56 նիստ, անցկացվել է կուսակցական ակտիվի 10 ժողով²²: Դրանցում քննարկվել են մեր կյանքի բոլոր բնագավառներին վերաբերող բազմաթիվ ու բազմապիսի հարցեր: Մի հանգամանք ևս: Վերջին ժամանակներս մամուլում հաղորդում է տրվում Կենտկոմի բյուրոյի և քարտուղարության նիստերի ու գրանցում քննարկվող հարցերի մասին: Դա, ինչ խոսք, ավելի է բարձրացնում այդ կոլեկտիվ մարմինների հեղինակությունը, ապահովում է կուսակցական աշխատանքի հրապարակայնությունը:

Կոլեկտիվ ղեկավարման սկզբունքի իրականացման արդյունավետ գործոններից մեկը աշխատավորների նամակներն են: Անցած հինգ տարում Հայաստանի կոմկուսի ապարատում ստացվել է 88313 նամակ և դիմում²³: Ինչի՞մասին են գրում նամակների հեղինակները: Հարկ է նշել, որ վերջին տարիներս ստացվող նամակների բովանդակության և բնույթի մեջ զգալի փոփոխություններ են տեղի ունեցել: Մեծ չափով ավելացել է այն նամակների թիվը, որոնցում կոմունիստներն ու անկուսակցականները բարձրացնում են համապետական ու համակուսակցական նշանակություն ունեցող հարցեր և որոնք բովանդակում են կուսակցության որոշումների արձագանքներ: Շատ նամակներում կոմունիստները, աշխատավորները, հավանություն տալով ՍՍԿԿ ներքին ու արտաքին քաղաքականությանը, միաժամանակ դրվատանքով գրում են հանրապետության նվաճումների, օրեցօր գեղեցկացող քաղաքների ու շրջկենտրոնների մասին: Նամակների հեղինակները կոնկրետ, գործնական առաջարկություններ են անում, ցանկություններ հայտնում, խորհուրդներ տալիս, որոնց նպատակն է ավելի բարելավել պետական ու կուսակցական ապարատի օղակների գործունեությունը, բարձրացնել արտադրության արդյունավետությունը, բարելավել աշխատանքի որակը, վերացնել նկատվող թերությունները:

²¹ Նույն տեղում:

²² Նույն տեղում:

²³ Նույն տեղում, 26. I. 1986:

Նամակներում աշխատավորները բարձրացնում են նաև անձնական բնույթի հարցեր: Այսպիսով, նամակների միջոցով աշխատավորներն ըստ էության անմիջական մասնակցություն են ունենում կուսակցական, պետական հարցերի քննարկմանը և լուծմանը: Կարևորն այն է, որ նամակներում բարձրացված շատ առաջարկություններ, քննադատական դիտողություններ հաշվի են առնվում դեկավար մարմինների կողմից, իրենց արտահայտությունն են գտնում ընդունված որոշումներում: Հնչ XXVIII համագումարն արձանագրեց, որ վերջին տարիներս Վզալիորեն բարելավվել է քաղաքացիների ընդունելության կազմակերպումը, աշխատավորների նամակների, դիմումների ու գանգատների քննարկումը Կենտկոմի ապարատում: Այդ մասին է վկայում թեկուզ այն փաստը, որ Կենտկոմի բյուրոյի և քարտուղարության նիստերում քննարկվել են նամակների հետ կապված 60 հարցեր²⁴: Դրական այս միտումների հետ միասին առանձին կուսակցական կազմակերպություններում աշխատավորների դիմումների ու նամակների նկատմամբ ցուցաբերվում է ոչ բարեխիղճ վերաբերմունք, իրականացվում է դրանց ձեռնարկում, անբավարար է կազմակերպվում քաղաքացիների ընդունելությունը: Նման թերությունները վերացնելու մտահոգությամբ համագումարը խորհուրդ տվեց հետզհետե Կենտկոմին նամակների հետ տարվող աշխատանքի լենինյան սկզբունքները, կատարելագործել նրա ձևերն ու մեթոդները: Դա կուսակցական կոմիտեների առաջնահերթ խնդիրներից է:

Ինչպես նշվեց, Հնչ XXVIII համագումարի ուղադրության կենտրոնում էին ՍՄԿԿ XXVII համագումարի փաստաթղթերը՝ ՍՄԿԿ ծրագրի նոր խմբագրության, կանոնադրության փոփոխությունների և երկրի տնտեսական ու սոցիալական զարգացման հիմնական ուղղությունների նախագծերը: Դեռևս մինչև համագումարը դրանց քննարկումը ակտիվ ու շահագրգիռ անցավ հանրապետությունում տեղի ունեցած կուսակցական կազմակերպությունների, աշխատավորական կոլեկտիվների ժողովներում, շրջանային և քաղաքային կուսակցական կազմակերպությունների կոնֆերանսներում: Հայաստանի կոմունիստների համաժողովի ողջ աշխատանքը, նրա ընդունած որոշումները նույնպես տողոված են այդ փաստաթղթերի հիմնական գաղափարներով: Համագումարի պատգամավորները լիովին ու միահամուռ հավանություն տվեցին դրանց:

Հնչ XXVIII համագումարն ընդունեց հանրապետության հետագա առաջընթացի գիտականորեն հիմնավորված ծրագիրը: Սովետական Հայաստանի կոմունիստները, աշխատավորները, կենսագործելով այդ ծրագիրը, դրանով իսկ արժանի ավանդ կներդնեն մեր հայրենիքի հզորության հետագա ամրապնդման գործում:

XXVIII СЪЕЗД КОМПАРИИ АРМЕНИИ

ГРИГОР АЙВАЗЯН

Резюме

XXVIII съезд Компартии Армении—знаменательное событие в жизни коммунистов, всех трудящихся республики. Съезд подвел итоги одиннадцатой пятилетки, определил очередные задачи партийных организаций в политической, идеологической и хозяйственной областях. В отчетном докладе Центрального Комитета Компартии Армении освещена многогранная деятельность партийных комитетов, первичных партийных организаций по претворению в жизнь решений XXVI съезда КПСС и XXVII съезда Компартии Армении.

Очередной съезд Компартии Армении принял научно-обоснованную программу дальнейшего развития республики. Коммунисты и все трудящиеся Советской Армении приложат все свои усилия для претворения её в жизнь.

²⁴ Նույն տեղում: